

Transkription von Urkunde HLM 1497a

Ort, Datierung: Helmstedt, 1497-03-29

Signatur: Stadtarchiv Helmstedt, Nr. 481 (487)

Inhalt: Rat der Stadt Helmstedt: Schuldbrief

Wy Borgermester vnde Rathman(n)e der Stadt helmestede Bekenne(n) openbar(e) in dussem vnser
open breüe / vor vnsz vnde vnse nakomelingen vnde vor alszweme dat wy rechter witliker bekanthliker
schult schuldich / sin Szesstich Rinsche gulden Sunte Steffen Nu tor tijd Tile kriger vnde tile
nigebecker alderlude to¹ Sunte / Steffen dede vnsz de vor gheschreue(nen) alderlude to Sunte steffen
upp(e) eyne mall an eyne(r) Sum(m)e(n) ouer getalt vnde / ghe antwordet hebben de wy vorth in vnser
Stadt helmestede beste kenthlike nüth vnde frome(n) ghekarth / hebben vppe welke Sesztich Rinsche
gulden wy vor gheschreue(nen) Borgermester(e) vnde Rathman(n)e to helmest(ede) / schullen vnde
willen ohne alle Jar(e) to tinsze geue(n) den vorsichtige(n) alderluden to Su(n)te steffen dre Rinsche
guld(en) / vppe paschen Sunder Jennigerleyge hindernisse effte infal de wyle wy sodan(e) gold vnder
vnsz hebben Ok / szo hebbe wy ehrghescreuen(en) Borgermeszter(e) vnde Rathman(n)e(n) der Stadt
helmestede vor vnsz vnde vnse nakomelinge(n) / de gnade fryheijt vnde macht beholden in dussem
sulue(n) breüe Szo dat wy eder vnsze nakomelinge(n) dusse / dre gulden tinszes alle Jar(e) wan vns
gelustet eder bequeme isz mit Sesztich Rinsche gulde(n) moge(n) wedder affkope(n) / vnde fryge(n)
vnde wan(n)e wy dat dohn willen welkes Jares dat schulle wy den vorsichtige(n) alderluden to voren /
vorkundigen vppe de wynachten vnde denne vppe de paschen dar nha negest volgende sodan(e)
Sesztich Rinsche / gulden myt den dren gulde(n) tinszes in eyne(r) Sum(m)e(n) vul vnde all gutliken
entrichte(n) ouer (?) tellen vnde betalen / Sunder Jennigerleige ghefferde wen denne dusse betalinge
der Sesztich rinsche guld(en) myt den dren gulde(n) / tinszes also ghe scheyn is alsze danne schal²
dusse breijff machtlosz sin vnde denne de vorsichtige(n) alderlude der par=/kercken Sunte Steffens vns
dene den(n)e wedder ouer antworden Sunder ghefferde alle dusse vorgescr(euenen) / Stucke puncte
vnde artikell dusses breues loue(n) vnde reden wy Borgermeszter vnde Rathman(n)e(n) der Stadt /
helmestede vor vnsz vnde vnse nakomelinge den vorsichtige(n) alderluden sunder alle wedder sprake
stede / vnde vaste vnuorbroken in guden trüwen woll to holdende vnde hebben des to merer vestinge
vnde wissen/heyden vnde bekanthnisse vnser Stadt Jngeseggell vor vns vnse nakomelinge(n) witliken
vnde mit gude(n) willen / benedden an dussen breijff heten hengen Ghe geue(n) vnde ghescreuen(na)
der geborth Cristi vnser here(n) dusent / vehrhunderth dar nha jn deme Seüen vnde neggentigsten
Jare am(me) midweken jn den hillige(n) paschen

¹ über der Zeile eingefügt

² über der Zeile eingefügt